

Հաշվետվություն

2026 թվականի օգոստոսի 3-ից 7-ը Ամերիկայի Միացյալ Նահանգներ (Նյու Յորք) կատարած գործուղման արդյունքների մասին

1. Անունը, ազգանունը, զբաղեցրած պաշտոնը

Սուրեն Թովմասյան, Կադաստրի կոմիտեի ղեկավար,

2. Գործուղման վայրը և ժամկետները.

Նյու Յորք, օգոստոսի 3-ից 7-ը:

3. Հրավիրող կողմը.

ՄԱԿ-ի գլոբալ երկրատարածական տեղեկատվության կառավարման փորձագետների կոմիտե (UN-GGIM):

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն ՄԱԿ-ի գլոբալ երկրատարածական տեղեկատվության կառավարման փորձագետների 16-րդ նստաշրջանին:

5. Քննարկված թեմաները.

- համաշխարհային երկրատարածական տեղեկատվության կառավարման ամրապնդման մեխանիզմներ,
- տարածաշրջանային կոմիտեների ներդրումը գլոբալ երկրատարածական տեղեկատվության ոլորտում,
- թեմատիկ ցանցերի ներդրումը երկրատարածական տեղեկատվությանն առնչվող համաշխարհային օրակարգում,
- երկրատարածական տեղեկատվության ապագա էկոհամակարգ,
- ՄԱԿ-ի ինտեգրված երկրատարածական տեղեկատվության շրջանակին (UN-IGIF) առնչվող հարցեր,
- համաշխարհային գեոդեզիական կոորդինատային համակարգ,
- երկրատարածական տեղեկատվության կիրառումը կայուն զարգացման և կլիմայի փոփոխություններին դիմակայունության բարձրացման ապահովման նպատակով,
- երկրատարածական, վիճակագրական և այլ առնչվող տեղեկատվության ինտեգրում,
- երկրատարածական տեղեկատվության կիրառումը հողօգտագործման և հողաշինարարության բնագավառում,
- վստահելի և ճշգրիտ տվյալներին, նորագույն տեխնոլոգիաներին առնչվող քաղաքական և իրավական շրջանակներ,
- ստանդարտների ընդունում և կիրառում, երկրատարածական տեղեկատվության հարցերով զբաղվող համաշխարհային համայնքի համար,

- աշխարհագրական անվանումների ստանդարտացում, համագործակցություն ՄԱԿ-ի աշխարհագրական անվանումների փորձագետների խմբի հետ:

6. Հանդիպումները, ելույթները, բարձրացված կամ քննարկված հարցերը.

Միջոցառման շրջանակում հանդես եմ եկել օրակարգի 7-րդ (ՄԱԿ-ի ինտեգրված երկրատարածական տեղեկատվության շրջանակ), 9-րդ (Երկրատարածական տեղեկատվությունը՝ կայուն զարգացման համար) և 12-րդ (Ինտեգրված երկրատարածական տվյալներ՝ հողերի արդյունավետ կառավարման համար) կետերին առնչվող ելույթներով:

Ներկայացրել եմ Ինտեգրված երկրատարածական տեղեկատվության շրջանակի ներդրման ուղղությամբ ՀՀ-ում իրականացված քայլերը: Անդրադարձ է կատարվել կադաստրային քարտեզների, հողամասերի, անշարժ գույքի հասցեների վերաբերյալ տեղեկատվության հասանելիության ընդլայնմանը: Ներկայացվել են տարածական տվյալների ոլորտի զարգացման առաջնահերթությունները՝ պետական մարմինների կողմից վարվող թեմատիկ տվյալների ինտեգրում, մասնագիտական կարողությունների զարգացում, տվյալների որակի ապահովման մեխանիզմների կատարելագործում, շահագրգիռ կողմերի ներգրավվածության ընդլայնում և կայուն ֆինանսավորման մոդելների ձևավորում: Երկրատարածական տեղեկատվության և կայուն զարգացման վերաբերյալ ելույթում անդրադարձել եմ ՀՀ-ում 2022 թվականից գործող ինտեգրված համակարգին՝ ազգային գեոպորտալին, որը մեկ միասնական հարթակում համախմբում է կլիմայի փոփոխության, շրջակա միջավայրի, ենթակառուցվածքների և այլ առանցքային ոլորտների վերաբերյալ տվյալները: Ընգծել եմ, որ այս համապարփակ հարթակը հնարավորություն է տալիս տարբեր ոլորտների պատասխանատու մարմիններին տեսանելի դարձնել բնապահպանական և սոցիալ-տնտեսական գործոնների փոխկապակցվածությունը՝ նպաստելով առավել արդյունավետ պլանավորմանը և արտակարգ իրավիճակներում արագ ու հիմնավորված արձագանքմանը:

Հողերի արդյունավետ կառավարման համար ինտեգրված երկրատարածական տեղեկատվության վերաբերյալ ելույթում անդրադարձել եմ ՀՀ-ում իրականացված օրենսդրական բարեփոխումներին, որոնք առանցքային դերակատարություն ունեցան Հայաստանի կադաստրային համակարգի զարգացման գործում՝ հիմք ստեղծելով կադաստրային քարտեզների ճշգրտման, հողային տեղեկատվության համակարգի արդիականացման համար: Կարևորել եմ հատկապես տվյալների ստանդարտացված մոդելների և փոխանակման մեխանիզմների ներդրումը, ինչի շնորհիվ ապահովվել է տեղեկատվության անխափան շրջանառությունը հողային կառավարման գործընթացում ներգրավված բոլոր շահագրգիռ կողմերի՝ պետական մարմինների, տեղական ինքնակառավարման մարմինների, մասնագիտական գործունեություն ծավալող կազմակերպությունների, անհատների և քաղաքացիների միջև:

16-րդ նստաշրջանի շրջանակում ներկայացվել է նաև երկրատարածական տեղեկատվության կառավարման ոլորտում ՀՀ ազգային զեկույցը:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Մասնակիցներին է ներկայացվել գլոբալ երկրատարածական տեղեկատվության կառավարման փորձագետների կոմիտեի ծրագրերի կառավարման վերաբերյալ զեկույցը, հաջորդ՝ 17-րդ նստաշրջանի նախնական օրակարգն ու անցկացման ժամկետները: Քննարկվել են փորձագետների կոմիտեի գործունեության հիմնական ուղղությունները՝ սահմանված առաջնահերթությունների և առկա մարտահրավերների համատեքստում:

Ավստրիայի չափագիտության և գեոդեզիայի դաշնային գրասենյակի (BEV) նորանշանակ ղեկավար Կլաուս Կանի հետ հանդիպման ընթացքում քննարկել ենք համապատասխան ոլորտներում համագործակցության զարգացման հնարավորությունները: «Եվրոգեոգրաֆիքս» ասոցիացիայի գլխավոր քարտուղար և գործադիր տնօրեն Սալի Փեյն Մսելլի հետ հանդիպման ընթացքում շոշափվել են «Եվրոգեոգրաֆիքս» ասոցիացիայի Գլխավոր ասամբլեան 2027 թվականին Հայաստանում անցկացնելու նախապատրաստական աշխատանքների իրականացման հետ կապված հարցեր: Աշխատանքային այցի շրջանակում հանդիպումներ են ունեցել նաև միջոցառմանը ներկա լիազոր մարմինների ներկայացուցիչների հետ, քննարկել ենք մասնագիտական ոլորտին առնչվող հարցեր:

8. Ստորագրությունը, ամսաթիվը:

Սուրեն Թովմասյան



10.08.2026 թ.

Հաշվետվություն

Գործուղման ծախսերի վերջնահաշվարկի մասին

1 Մարմնի անվանումը Կադաստրի կոմիտե2 Գործուղման մասին իրավական ակտի համարը ՀՀ Վարչապետի Որոշում 08.07.2026թ. N619-Ա3 Անուն, Ազգանուն, զբաղեցրած պաշտոն Սուրեն Թովմասյան Կադաստրի կոմիտեի ղեկավար4 Գործուղման վայրը Ամերիկայի Միացյալ Նահանգներ, քաղաք Նյու Յորք5 Գործուղման ժամկետները 03.08.2026-07.08.2026թթ.

6 Գործուղման ծախսերի ֆինանսավորման աղբյուրը՝

1) հրավիրող կողմի միջոցների հաշվին հատուցվող ծախսերը

2) պետական բյուջեի միջոցների հաշվին հատուցվող ծախսերը (Կադաստրի կոմիտեի 2026 թվականի ծախսերի նախահաշիվ)

(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)

1. ճանապարհածախս, 2. գիշերավարձ, 3. օրապահիկ

ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը

բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը		Անուն, ազգանուն	Ընդամենը (հազ. դրամ)
		Սուրեն Թովմասյան	
	Ավիաճառայության տեսակը Էկոնոմ դաս Ավիաճառայության առժեք (դրամ)	641,722	641.7
Գիշերավարձ	Վճարը 1 օրվա համար (արտարժույթով) \$	356	
	Վճարը 1 օրվա համար (դրամ)	130,676.92	
	Օրերի քանակ	4	
	Ընդամենը (դրամ)	522,707.68	522.7
Օրապահիկ	Վճարը 1 օրվա համար (արտարժույթով) \$	145	
	Վճարը 1 օրվա համար (դրամ)	53,225.15	
	Օրերի քանակ	5	
	Ընդամենը (դրամ)	266,125.75	266.1
Այլ ծախսեր	Տոմսի ամրագրում	44,048.40	44.0
Ընդամենը ծախսեր (դրամ)			1,474.6

/ Գլխավոր քարտուղար

Ֆինանսատնտեսագիտական վարչության պետ/
գլխավոր հաշվապահ
12.08.2026թ.

Մհեր Խաչատրյան

Գևորգ Սարգսյան

